

光緒順天府志

人物志三十一

光緒順天府志一百二十一

鄉賢表

江陰繆荃孫纂德清傳雲龍殺輯

周禮五善曰旌賢能誠以老成典型故家遺俗生則推為祭酒沒則祀於瞽宗閭里於以尊榮山川為之生色誠足儀型末學興起後人

聖清祀之賢宮列於令典子弟上躋三品則請託宜防時代勿越卅年則聲光未茂均予限制無有濫充禮亦宜之典至渥也爰稽縣志彙為此表其事蹟有列傳者茲不複述作鄉賢表

朝代 大興 宛平 良鄉 固安 永清 香河 東安 通州

魏

徐邈 有傳

晉

霍原傳有
張華傳有

梁

張宏策有傳

唐

魯炅傳有
張知審有傳

晉

趙玉傳有

龍敏傳有

呂琦傳有

周

扈載傳有

朱

朱琦
有傳

朱雄
有傳

馬知節
有傳

遼

張儉
有傳

楊績
有傳

劉仲
有傳

金

王師揚
劉彥宗
韓懿

李愔
頤
扈蒙
有傳

呂餘慶
琦子
有傳

呂端
度
弟
有傳

張衍
有傳

韓延徽
郭世珍
有傳

韓紹芳
廷徽孫

杜時昇
蒲哥
金
劉徽柔
馬諷
有傳

有傳

有傳

劉仲誨

彥宗孫
有傳

元

劉德温
張九思
梁斗南
李天翼
史乘直

有傳

有傳

有傳

有傳

有傳

朱本

有傳

曹鑑

有傳

梁恭甫

斗

朱襲

本

張誠

有子

有傳

梁有傳

梁德珪

史天倪

秉直子
有傳

史天澤

有傳

宗時人有傳
忠事君以

賈少冲

有傳

張亨
有傳

馬惠迪

有傳

崔禮
有傳

李士瞻
郭汝梅

有傳

世珍元
孫有傳

李繼本
王和用

士瞻子
有傳

李德輝

明

官至奉

知政事

梁陟名以

備徵領

燕京攝
修所事

天倪弟
有傳

杜瑛時

子有傳

張思
有傳

劉中敷張翰有傳
趙錦正德

有傳

何選有傳
丁丑進士官至

張宗素張坤有傳
王宣有傳

裴成錦劉渙然
中進士刑部尚書

岳正有傳

張邦紀劉文炳
兵部尚書

楊和成有傳

南府同

朱銳景泰

有傳

有傳

楊泰有傳
丙午舉人

郝永有傳
有知

紀諄官左士工部
布政使郎中

朱之馮

有傳

張銓有傳

王復有傳

李亨廷

布政使郎中

楊維聰

有傳

李侃有傳
孫節成化

鞏永固

有傳

金鉉
有傳

和子正
德辛巳

一甲一
名官至

太僕寺
卿

楊維傑

雜聰弟
嘉靖丙

戊一甲
二名官

至翰林
院侍講

蘇光臯

有傳

張承敘

嘉靖甲
辰進士

江西臨
江府知

李永春
施純
禮元年
舉人山西

官按察
使副使
給事稷
山知縣

王仕華
周尙文
楊奉春

館陶
舉人有
成化十
一年進

王承貞
孟旭
貢士工
部主事

貢士均
吳棟
正德願
大章

州州判
有孝行
進士
宏治年
舉人西

程惟遠
許復禮
安通判

有傳
正德進
士官至
周棨
有傳

河南布
政使參
甯河治
宏

政使參
十八年
進士信

張文舉
道陽兵
備

府

張允濟

嘉靖壬戌進士

山東巡撫

傅好禮

有傳

郭光復

萬曆己丑進士

都察院右副都

御史

祖志伊

萬曆戊子舉人

嘉靖舉人鄭州蘇雄貢

知州

山西按察司

劉體乾

事

嘉靖進士南京

張欽有傳

兵部尚書

楊行中

李錫進有傳

邵鳴岐王時舉

嘉靖舉有傳

施為霖張汝濟

禮孫

陸慶元年舉人

黃宗周

山東蒲台知縣

萬曆舉人官金

張祥萬

四川茂州知州

李天祥

萬麻戊

子舉人

浙江杭州府同知

于進善

萬麻甲

午舉人

官河南

柘城縣

殉難

楊春元

有傳

李時康

州海防同知

四年舉

人山西

當武縣

知縣

馬經綸

有傳

蔡成己

萬麻十

七年進

王官至

刑部主

事

雷應科

貢生山

西五合

縣知縣

羅永春

黃生內

黃縣教

諭殉難

郭九圍

光復子

貴陽府

知府

崔玉乾

有傳

萬曆二

十四年

舉人紹

興府同

知

楊鎬萬

三十七

年舉人

山東泗

水縣知

縣

張樞芳

萬曆四

十四年

進士吏

部文選

司郎中

殉甲申

之難

雷起龍

萬曆四

十四年

進士官

至刑部

郎中

張文煥

諸生

雷應禹

應科弟

蕭生

劉廷訓

有傳

國朝

張烈有傳

高奇有傳

楊之柄

吳春有傳

賈鉞

袁邦化
張定國

任希尹

孫承澤王崇簡
有傳

有傳

趙明徵王熙
崇簡

有傳 弟有傳

朱之弼查禮
有傳

王源
有傳

劉獻廷
有傳

朱文炳
有傳

有傳

朱筠文
有傳

子有傳

有傳 山西沁有傳

水丞

張楨有
袁懋德李永貴

賈澎
錫邦化子有傳

有傳

袁懋功

懋德弟
有傳

崇禎十
六年舉
人陝西

知縣

張文輝

文煥弟

崇禎七
年進士

官建南

道殉難

丁林聲

有傳

張士甄

文煥子

有傳

張士垣

朱珪
弟筠

有傳

翁方綱

有傳

士甄弟
附傳

張士堯

士甄弟

貢生山

東高苑

縣知縣

張鴻猷

順治十

八年進

士廣百

提學僉

事

雷一龍

有傳

雷湛一

龍

從子附

傳

楊正中
有傳

王公擢

順治二
年舉人
官推官

尹肅京
有傳

朱綸有
傳

杜繼召

順治十
五年進
士廣西
馬平縣
知縣

李含春

順治十

一年進

士保定

府教授

官至鴻

臚寺卿

王簡文

康熙二

十七年

進士知

武甯縣

人為立

生祠

康莊

治順

十一年

舉人由

教諭

兵部主

事

魏繼雲

順治五

年舉人

官吳橋

教諭遷

永豐令

張文美

貢生南

和訓導

陳震元

康熙二

年舉人

廣西貴

縣知縣

劉培熙

二年舉

人廣東

臨高縣

三國魏

漢

三河

田豫
傳有

武清

賓坻

甯河

寇恂
傳有

昌平

順義

蓋延
傳有

王梁
傳有

密雲

懷柔

雷鐔
傳有

雷學洪

鐔子
傳有

王大鶴
有傳

魏

高閏
有傳

寇讚
有傳

寇備
子讚
有傳

北齊

張耀
有傳

唐

蔡廷玉
有傳

劉蕡
有傳

金

劉樞
字居

馬琪
有傳

中進士
官至中
都路轉
運使
馬百祿
有傳

元

王德仁
楊格
格有傳

何失
有傳

石天麟
趙伯敬

官遂州
同知
格有傳

有傳
知荊州

劉秉直
朱國寶

楊佑
檀

有傳
有傳

采金都
提轄

劉深
書左丞

明

郭習
王二
共高敏學

孫祖壽

李慶
李璣
王嘉猷

官至江
西左參
有傳

有傳

有傳

李賓
有傳
傳博五世

政

趙連璧蔡完者

喬友

以字載環不花都
孝有孝行不花指

州府經

趙完璧李肇學太

蕭銳

字復環生杭州
人連璧弟知府

府通判

任山西柴愚太
榆次縣生御史

邢昭

有主簿建生御史
祠祀之

劉金

士進韓士舉

官至山

平陸丞

議

劉英有

蕭選

字李素永

官至都

癸卯舉人授御

同居

成德有傳

李瑀

六世

同居

田仁遠

歲貢官

劉萬里

廩生

家院右

史僉都御

王楠士進

官至南

京太僕

寺卿

喬伊有傳

張文運

進士官

至禮部

精膳司

主事

史

朱德至官

參政

趙瑗大學

生刑部

主事

王鏗宣德

乙卯舉

人弟一

官至浙

江按察

芮釗有傳

呂欽景泰

癸酉舉

人山西

大同知縣

王傳成

乙未進士

牛魯宏

乙丑進士

戶部郎中

龐瀉正

丁丑進士

徽府長史

高敏學

有傳

丙元采

嘉靖王

子舉人

縣青城知

郝鳴陰

嘉靖甲

辰舉人

苑圃嘉

癸丑進

士官至

郎中

芮質田

選拔陝

西醴泉

縣知縣

牛復年

歲

國朝

王大

有傳

趙之符 杜立德 艾子誠 王政行

完壁子有傳

有傳

劉汝朴

趙璘

符 杜立本 廉驥 元楊應震

子有傳 立德弟有傳

有傳

三人皆任葬明

趙珣

璘 弟 杜恭俊 劉毓珍

懷宗者

苑時葵

萬麻庚

辰進士

山西陽

曲知縣

王好善

有傳

鄧光復

浙江山

陰教諭

任毓麟

貢生官

廣平縣

訓導

有傳 立德子有傳

增傳

趙琮 璘 楊雍 有傳

康熙癸未進士 王鼎 呂

內邱教有傳

論

趙孩 璘 劉兆麟

有傳 順治辛丑進士

李煒 有傳 劉兆麒

官至崇 明鎮總 兵

芮昌齡

有傳

芮淮 虞貢

徐化成

有傳

陳浩 有傳

生

涿州

房山

霸州

文安

大城

保定

薊州

平谷

漢

韓嬰
有傳

後漢

盧植
有傳

高誘
有傳

三國

張飛
有傳

簡雍
有傳

晉

盧欽
有傳

齊

後魏

北周

隋

鮮于文
崇有傳

盧元
傳有

鄺範
傳有

鄺道元

範子有
傳

盧辯
傳有

周惠達
有傳

樂毗
傳有

唐

盧鴻有傳李景略

高霞寓有傳按唐之

有傳良鄉今

張仲武也之房山

有傳

五代周

宋

董芳眉裁

竇禹鈞有傳

張暉有傳張玉有傳竇儀禹鈞子有傳

金

王倫
有傳

張天綱
有傳

寶儀
有傳

巨構
平人

元

張子良
有傳

宮君祺
王伯勝
劉寬
當時大有傳

張榮實
有傳

張伯用
有傳

郭貫
有傳

明

李敦
有傳

張煥
官陝刑表

王亮
宣德

楊常
永樂

劉聰
有傳

金純
有傳

李儀有傳

頓銳有傳

西布政使紀常有傳
丁未進戊子舉
歐信有傳
張禴有傳

張恕成王儀有傳
左布政使朱相太
燕忠有傳

辛丑進王佩有傳
宣德僕寺卿

南京兵部尚書王原
有傳
察御史王誥有傳

張采儀邢孔陽梁材
治馮鉞字

宏治辛有傳
己未進衛嘉靖
士官戶乙酉舉

河南陳留知縣何呈瑞
部尚書人河南
柘城知縣

李玳嘉靖有傳
馬慎有傳
柴守正

庚戌進王楫力
馬亮宏字本中
治嘉靖丙

右參政善事為舉人
山戌進士
列里州府通判
糧道

陸文良

嘉靖戊子進士

王紹宏王顯忠

子進士

山東曹
縣知縣

王邁
有傳

王樂善

遺子萬
麻壬辰

進士吏
部主事

劉為楫

萬麻丙
戌進士

刑科都
給事中

王承賜

諸生

張士雅

萬麻庚
戌進士

舉人北
字元孝

京中府
嘉靖辛

孟錡
官至山

劉鉞
劉餘澤

李淮
官戶部

南鄂陵
友

李松
子

有傳

王潤
萬

丁酉年
貢河南

鄧州知

劉大受

官戶部
郎中

王遠宜

承賜子

萬麻辛

開選士

官主工

部侍郎

李汲
諸生

郝鴻猷

萬麻己

百舉人

張玘
官泰

安州鹽

運使司

同知

王印
松

錢子嘉

靖乙未

進士官

至太常

寺卿

王勳
萬麻

年貢生

官臨城

縣訓導

李應魁

萬麻壬

辰進士

山東按

察使

卷之五

五

國朝

米萬祺

有傳

劉芳躅

有傳

劉芳喆

芳躅弟

有傳

朱一鳳

康熙已

丑進士

崇禎

未進士

官至甯

道

武兵備

郝傑

有傳

王守明

薛溥

貢

劉克家

李孔昭

徐進

貢

崔士瞻

附見景湖北

保

有傳

有傳

諸生孝

王景祚

縣

劉克讓

程天祐

孟玉聲

有傳

郝俊

守明子

劉漢儒

克家弟

崇禎

王有傳

崔應鳳

高光夔

有傳

劉捷

有傳

郝惟訥

陳慎

馬壯

顯

岳毓粹

程天才

傑子有

陳協

十五年

貢生

官

天祐弟

浙

遷

安訓

弟

官至兩淮鹽運使

楊燕緒

有傳

盧坤

有傳

郝惟訓 有傳

有傳 傑 紀念 有傳

郝士鈺 紀汝彝

惟訓子 有傳

吳邦慶 樊宗顯

有傳 孝子

陳儀 有傳

江德清 導多 縣遷廣德

李可翹

有傳

趙成秀

年五十 無子 購

一女 將

納為妾 罔其士

族而嫁 之後妻

亦舉二 子厚 德

足為 里風

華陽吳祖椿校

藝文志一

光緒順天府志一百一十五

紀錄順天事之書

江陰繆荃孫纂德清傳雲龍覆輯

古者誦訓掌方志以詔觀事以知地俗閭胥黨正考其德行道藝三年獻書登於天府後世史家遂別為雜傳地理兩類紀錄順天事見於史志者以燕十事為始而燕丹子亦賓客所記非太子自撰金元建都序述愈盛證今稽古蒼萃成編遵雲南通志舊例也志紀錄順天事之書

周

燕春秋

佚

墨子明鬼下引燕春秋云昔在燕簡公殺其臣莊子儀而不辜莊子儀曰吾君王殺我而不辜死人毋知亦已死人有知不出

三年必使吾君知之期年燕將馳祖燕之有祖嘗齊之有社稷
宋之有桑林楚之有雲夢也此男女之所屬而觀也日中燕簡
公方將馳於祖塗莊子儂荷朱杖而擊之殪之車上按史記簡
公平公子周敬王六年公元年立十二年卒敬王十七年魯定
公之七年也

列國

燕丹子三卷

隋志一卷 新唐志三卷

舊唐志三卷

宋志三

存

孫馮翼問經堂刊本 孫星衍
估南閣本 平津館校正本

孫星衍序云燕丹子之著錄始自隋經籍志然裴駰注史記引
劉向別錄云督亢膏腴之地司馬貞索隱引劉向云丹燕王意
之太子則劉向七略有此書不可以藝文志不載而疑其晚出
古之愛士者率有傳書由身沒之後賓客紀錄遺事報其知遇

如管晏呂氏春秋皆不必其人自著則此書題燕太子丹撰者
舊唐書之誣亦不得以此疑其僞也其書長于敘事嫻于詞令
審是先秦古書亦略與左氏國策相似學在從橫小說兩家之
間且多古字古義云太子劔袂以劔爲斂也舉事于前國策作
畢使叟古文使亦事字見說文汗簡右手樅其胸蓋借樅爲斂
說文斂刺也史記索隱引徐廣云一作抗抗又抗字之誤說文
深擊也史記及玉篇樅從手誤矣按匕首擿之說文以擿爲投
玉篇擿同擿又作接古假借字也國策史記取此爲文削其鳥
白頭馬生角及乞聽琴聲之事而增徐夫人匕首夏無且藥囊
足證此書作在史遷劉向之前或以爲後人割裂諸書雜綴成
之未必然矣

漢

燕十事十篇

佚

見漢志法家類不著撰人沈欽韓漢書疏證云燕十事疑是燕

王定國獄事

北齊

陽休之幽州人物志三十卷

佚

休之事蹟在雜人傳北齊書本傳云又撰幽州人物志共行於

世隋志未著錄新唐書傳記類作幽州古今人物志三十卷

隋

幽州圖經一卷

案卷數據通志藝文略增

佚

見隋志地理類不著撰人寰宇記河北道屢引隋圖經未知是此書抑即蔚之隋諸州圖經集今無可考辨

固安圖經

佚

隋志未著錄撰人卷數無考御覽六十四引固安圖經云易水又名安國河亦名北易水一條案漢之固安在今易州隋開皇三年移治今地改故爲固圖經亦起於隋非漢之故安矣

幽都記

佚

隋唐志不著錄撰人卷數無考寰宇記六十九紫淵水引幽都記云紫水其泥亦紫蜀先主宅引幽都記云劉備郡人幼時宅中有桑樹如車蓋云我當乘此寶蓋後果王蜀二條

唐

平致美薊門紀亂

佚

致美不知何時人卷數亦無考日下舊聞卷一卷十七均引之
所引皆紀安史之事

宋

平燕錄一卷

佚

撰人無考見通志雜史類徐夢莘三朝北盟彙編卷十六亦引
之

王安中入燕錄

佚

安中事蹟見官吏傳此書宋志未著錄徐夢莘三朝北盟彙編卷十六引之紀宣和五年安中除永清軍節度使兼知燕山府時事

許採陷燕記 日下舊聞引用書目作賈子莊

佚

卷數無考宋志亦未著錄見徐夢莘三朝北盟彙編卷二十三二十四屢引之記宣和七年金人敗盟陷燕山軍之事

元

皇元建都記

佚

撰人卷數無考見錢氏絳雲樓書目倪燦補三史藝文志錢大昕元藝文志地理類

內府宮殿制作

佚

撰人卷數無考見錢大昕元藝文志故事類

熊自得析津志典

佚

見盧文弼補遼金元藝文志地理類自得字夢祥豐城人崇文監丞日下舊聞張鵬序引熊自得燕京志大約卽此書也

何中蘓邛述游錄一卷

佚

見倪燦補三史藝文志錢大昕元藝文志地理類

明

蕭洵故宮遺錄一卷

存 龍威秘書本 指海本 知不足齋本

洵廬陵人洪武初爲工部郎中奉命隨大臣至北平毀元舊都
因得徧閱經歷凡門闕樓臺殿宇之美麗深邃闌檻瑣窗屏障
金碧之流輝園苑奇花異卉峰石之羅列高下曲折以至廣寒
秘密之所莫不詳具該載序次亦極典核惜止載宮門以內而
大都宮城之制未詳遺跡遂不可考覽古者未免有餘憾也

大都宮殿考

未見

王氏格古要論采故宮遺錄刪削十之二三爲更此名

洪武北平圖經

佚

撰人卷數無攷永樂大典卷八千四百二十平字韻載之日下

舊聞亦間引用案洪武元年改大都路總管府爲北平府隸山東行中書省二年置北平行省永樂元年改爲順天府此書寔順天志所託始朱彝尊博極羣書猶未得見其佚久矣文淵閣書目畧字號北平圖志疑卽一書

元掖庭記

佚

撰人卷數無考見日下舊聞卷三卷十所引

北平志四卷

佚

撰人卷數無考見文淵閣書目畧字號第一厨舊志二冊

析津志

未見

撰人卷數無考日下舊聞考引用甚多案遼聖宗開泰元年改
幽都府爲析津府宋宣和五年改燕山府金天會元年復名析
津府貞元元年卽改大興府此志明時所修而日析津蓋取古
名也

北平府圖志

佚

無卷數見文淵閣書目畧字號第一厨舊志一冊

案劉崧所撰者爲北平入

府志見地理類例不入錄

劉崧北平事蹟一卷

未見

見明志地理類

大興縣圖志

佚

卷數撰人無考見文淵閣書目畧字號第一厨舊志一冊案文淵閣書目正統六年楊士奇等編定大約洪武以後所修謂之舊志永樂以來所修謂之新志逮明中葉各州縣志均自謂始未嘗見此二志并不知有修志之事明人不學亦可概見迄今一部不存卽天一閣絳雲樓所收諸志亦明中葉所修者幸存此目猶可略知梗概耳

宛平縣圖志

佚

卷數撰人無考見文淵閣書目畧字號第一厨舊志二冊

良鄉縣圖志

佚

卷數撰人無考見文淵閣書目畧字號第一厨舊志二冊

固安縣圖志

佚

卷數撰人無考見文淵閣書目畧字號第一厨舊志二冊

永清縣圖志

佚

卷數撰人無考見文淵閣書目畧字號第一厨舊志二冊

東安縣圖志

佚

卷數撰人無考見文淵閣書目畧字號第一厨舊志二冊

香河縣圖志

佚

卷數撰人無考見文淵閣書目畧字號第一厨舊志二冊

昌平縣圖志

佚

卷數撰人無考見文淵閣書目畧字號第一厨舊志二冊案昌平於正德元年升州此志在正統前猶名縣也

順義縣圖志

佚

卷數撰人無考見文淵閣書目畧字號第一厨舊志二冊

密雲縣圖志

佚

卷數撰人無考見文淵閣書目畧字號第一厨舊志二冊

通州圖志

佚

卷數撰人無考見文淵閣書目畧字號第一厨舊志二冊

三河縣圖志

佚

卷數撰人無考見文淵閣書目畧字號第一厨舊志二冊

武清縣圖志

佚

卷數撰人無考見文淵閣書目畧字號第一厨舊志二冊

寶坻縣圖志

佚

卷數撰人無考見文淵閣書目畧字號第一厨舊志二冊

鄆縣圖志

佚

卷數撰人無考見文淵閣書目畧字號第一厨舊志二冊案鄒縣遼之鄒陰元升鄒州明洪武十四年降爲縣此志以縣名應
在十四年之後

霸州圖志

佚

卷數撰人無考見文淵閣書目畧字號第一厨舊志二冊

文安縣圖志

佚

卷數撰人無考見文淵閣書目畧字號第一厨舊志二冊

大城縣圖志

佚

卷數撰人無考見文淵閣書目畧字號第一厨舊志二冊

涿州圖志

佚

卷數撰人無考見文淵閣書目畧字號第一厨舊志二冊

房山縣圖志

佚

卷數撰人無考見文淵閣書目畧字號第一厨舊志二冊

薊州圖志

佚

卷數撰人無考見文淵閣書目畧字號第一厨舊志二冊

平谷縣圖志

佚

卷數撰人無考見文淵閣書目畧字號第一厨舊志二冊

鄒緝燕山八景圖倡和詩一卷

四庫全書存目

未見

緝吉水人永樂二年官左中坊左中允時詩皆首倡而翰林學士胡廣國子祭酒胡儼右庶子楊榮右諭德金幼孜侍讀曾榮林環修撰梁潛王洪王英王直中書舍人王綬許翰等十二人和之廣獨再和焉共得百二十首燕山八景始見於金明昌遺事永樂大典載洪武北平圖經亦具列其目然如瓊島春雲作瓊島春陰太液晴波作太液秋風薊門煙樹作薊門飛雨金臺夕照作道陵夕照皆與此編所載名目不符疑圖經所載本元時舊名而此編則明初諸人所改而至今沿之也

順天府志

佚

卷數撰人無考見文淵閣書目往字號第一厨書目新志一冊

大興縣志

佚

卷數撰人無考見文淵閣書目往字號第一厨書目新志

宛平縣志

佚

卷數撰人無考見文淵閣書目往字號第一厨書目新志

良鄉縣志

佚

卷數撰人無考見文淵閣書目往字號第一厨書目新志

固安縣志

佚

卷數撰人無考見文淵閣書目往字號第一厨書目新志

永清縣志

佚

卷數撰人無考見文淵閣書目往字號第一厨書目新志

香河縣志

佚

卷數撰人無考見文淵閣書目往字號第一厨書目新志

順義縣志

佚

卷數撰人無考見文淵閣書目往字號第一厨書目新志

懷柔縣志

佚

卷數撰人無考見文淵閣書目往字號第一厨書目新志

昌平縣志

佚

卷數撰人無考見文淵閣書目往字號第一厨書目新志

東安縣志

佚

卷數撰人無考見文淵閣書目往字號第一厨書目新志

密雲縣志

佚

卷數撰人無考見文淵閣書目往字號第一厨書目新志

涿州志

佚

卷數撰人無考見文淵閣書目往字號第一厨書目新志

房山縣志

佚

卷數撰人無考見文淵閣書目往字號第一厨書目新志

通州志

佚

卷數撰人無考見文淵閣書目往字號第一厨書目新志

三河縣志

佚

卷數撰人無考見文淵閣書目往字號第一厨書目新志

武清縣志

佚

卷數撰人無考見文淵閣書目往字號第一厨書目新志

寶坻縣志

佚

卷數撰人無考見文淵閣書目往字號第一厨書目新志

灤縣志

佚

卷數撰人無考見文淵閣書目往字號第一厨書目新志

霸州志

佚

卷數撰人無考見文淵閣書目往字號第一厨書目新志

文安縣志

佚

卷數撰人無考見文淵閣書目往字號第一厨書目新志

大城縣志

佚

卷數撰人無考見文淵閣書目往字號第一厨書目新志

保定縣志

佚

卷數撰人無考見文淵閣書目往字號第一厨書目新志

薊州志

佚

卷數撰人無考見文淵閣書目往字號第一厨書目新志

平谷縣志

佚

卷數撰人無考見文淵閣書目往字號第一厨書目新志

汪浦蘄州志九卷

佚

捕事蹟見官吏傳成化十四年知州事創修州志遼史拾遺引之

張遜涿州志十二卷

佚

遜見職官表成化二十一年知州事始修州志宏治癸丑刊行翰林院陸簡序

高惠寶坻志

佚

惠見職官表莊禪志序云承乏寶坻訪舊志以徵文獻于先哲
久而始獲謄業三十紙乃前教諭高惠所撰未克成書

莊禪寶坻志三卷

存鈔本

禪事蹟見官吏傳明宏治戊午禪爲令因高惠所撰借教諭齊
濟周訓導錢冕搜剔遺隱編緝成編首卷起沿革迄古蹟中卷
錄勅命紀文詞下卷述題詠附雜志類十有二目五十有三

周通通州志

佚

卷數無考明宏治間州人周通采輯一州典故修志稿若干卷
未梓

劉坦涿州志

佚

卷數無考坦事蹟見官吏傳正德間知州事續修州志

熊相薊州志十八卷

未見

相見職官表嘉靖三年任薊州兵備道重纂州志見天一閣書目稽瑞樓書目遼史拾遺卷十四亦引之

王奉保定志

佚

卷數無考奉事蹟見官吏傳嘉靖十八年知縣事勅修邑志成志云奉注意縣乘以垂勸戒雖未及刊刻成書而一邑之文獻賴以不墜者皆其遺也

汪有執楊行中通州志略

佚

卷數無考有執事蹟見官吏傳嘉靖二十四年知通州事因州

無志與紳士議輯邑人吏部尙書楊行中取周通舊稿率諸生

修輯名曰志略付梓今志存行中一序案天一閣書目載順天

撰州志自宏治以後續修數次頗甚詳備并載序文均未言及

明臣此志明藝文志則次揚州府志之下高郵州志之上疑明

蘇志舉固安志九卷

未見

志舉事蹟見先賢傳嘉靖甲子何永慶知縣事始議修為志事

延志舉為之新志存志舉一序據劉仲志秦士奇序當時已譏

其未備矣亦見稽瑞樓書目

武德智寶坻續志

佚

卷數無考德智事蹟見官吏傳唐鍊志劉思聰序云邑之志創于晉陵莊公瀨于館陶武公歲久而版籍放失矣

胡與之寶坻志

佚

卷數無考與之事蹟見官吏傳亦見劉思聰序云繼修于浙姚胡公竟未刻梓

唐鍊寶坻志九卷

未見

鍊事蹟見官吏傳鍊嘉靖丙寅延邑人楊慄李廷烏苑因芮貢旁搜確訪俾成新志定義例爲上下二編洪志鍊傳云嘉靖以上其事蹟僅有存者猶以此本故也

史直臣涿州志

佚

卷數無考直臣嘉靖丁未進士官至按察司副使曾撰州志

周復浚霸州志十卷

佚

復浚見官吏傳嘉靖間官副使時修自有序見天一閣書目州

志官蹟傳

張文舉東安志

佚

文舉嘉靖辛卯舉人官至鄭州知州勅修縣志未及刊行遯史

拾遺卷十四引之

安守魯夏鄉志六卷

佚

守轡事蹟見官吏傳隆慶二年以舉人宰夏鄉延邑人楊守正
勅修邑志成書六卷明末燬於火今楊志存郭秉聰一序

忽鳴大城志略

佚

卷數無考鳴事蹟見官吏傳隆慶初年樂安趙德光知大城縣
事欲修志未果鳴以隆慶五年繼德光任始成志略是爲大城
志之始

隆慶平谷志

佚

撰人卷數無考任志李柱明序云平邑有志起於明隆慶之六
年朱志序云平邑舊誌殘缺未經釐訂康熙六年歲次丁未邑

令金公在陞敷陳軼事命工剗剔雍正六年歲在戊申邑令項
公景尙復爲採錄付之梓人皆因前明隆慶遺文踵而續之

楊應順義志

佚

卷數無考靈嘉靖丙辰科進士授行人遷吏科給事中隆慶間
修本邑志遼史拾遺亦引之

徐貞明潞水客談一卷

存
刊本

貞明字孺東貴溪人隆慶五年進士歷官尙寶寺丞父九思官
工部郎治張秋河築減水橋於河濱工成永爲利趙文華出視
師九思不迎謁坐以老致仕貞明建言在爲工科給事中時其
言曰神京擁據上游兵食宜取之畿甸今皆仰給東南豈西北

古稱富強地不足以實廩而練卒乎夫賦稅所出括民脂膏而軍船夫役之費嘗以數石抵致一石東南之力竭矣又河流多變邈道多梗竊有隱憂聞陝西河南故渠廢堰在在有之山東諸泉引之率可成田而畿輔諸郡或支河所經或澗泉自出皆足以資灌溉北人未習水利惟苦水害不知水害未除正由水利未興也蓋水聚之則爲害散之則爲利今順天正定河間諸郡桑麻之區半爲沮洳由上流十五河之水惟泄於貓兒一溝欲其不泛濫與壅塞勢不能也今誠於上流疏渠濬溝引之灌田以殺水勢下流多開支河以泄橫流其淀之最下者留以積水稍高者皆如南人築圩之制則水利興水患亦除矣元虞集欲於京東濱海地築塘捍水以成稻田若做集意招徠南人俾之耕藝北起遼海南濱青齊皆良田也宜特簡憲臣假以事權

毋阻浮議需以歲月不取近功或撫窮民而給其牛種或任富
室而緩其征科或選擇健卒分建屯營或招徠南人許其占籍
俟有成績次及河南山東陝西庶東南轉漕可減西北儲蓄常
充國計永無絀矣尙書郭朝賓以水田勞民請俟異日事遂寢
會以他事外謫太平府知事不能再疏理前說乃於通州旅次
作此書設爲賓主問答之辭

稿中不署名伯
權亦其字也

以盡疏中之義其

略曰西北之地旱則赤地千里淹則洪流萬頃惟雨暘時若庶
樂歲無飢此可常恃哉惟水利興而後旱潦有備利一中人治
生必有常稔之田以國家之全盛獨待哺於東南豈計之得哉
水利興則餘糧棲畝皆倉庾之積利二東南轉輸其費數倍若
西北有一石之入則東南省數石之輸久則獨租之詔可下東
南民力庶幾稍甦利三西北無溝洫故河水橫流而民居多沒

修復水利則可分河流殺水患利四西北地平曠游騎得以長
驅若溝澮盡舉則田野皆金湯利五游民輕去鄉土易於爲亂
水利興則業農者依田里而游民有所歸利六招南人以耕西
北之田則民均而田亦均利七東南多漏役之民西北羅重徭
之苦以南賦繁而役減北賦省而徭重也使田墾而民聚則賦
增而北徭可減利八沿邊諸鎮有積貯轉輸不煩利九天下浮
戶依富家爲佃客者何限募之爲農而簡之爲兵屯政無不舉
矣利十塞上之卒土著者少屯政舉則兵自足可以省遠募之
費甦班戍之勞停攝勾之苦利十一宗祿浩繁勢將難繼今自
中尉以下量祿投田使自食其土爲長子孫計則宗祿可減利
十二修復水利則做古井田可限民名田而自昔養民之政漸
可舉行利十三民與地均可做古比閭族黨之制而教化漸興

風俗自美利十四也其後貞明復官還朝更申前請廷議用其策卽命貞明領之又以浮議停止非常之功庸夫所駭崇論閎議迄今猶可舉行未可以書生紙上之談薄之也

崔學履昌平志八卷

佚

學履昌平人見選舉表官尚寶寺少卿隆慶間會修州志徐序稱其簡括有體載遼史拾遺卷十四日下舊聞卷卅四均引之
萬厯重修平谷志

佚

撰人卷數無考任志李序又云重修於萬厯二年

張世則密雲志

佚

卷數無考世則事蹟見官吏傳萬厯六年修取邑入刑部主事
祝文見底槩爲之遼史拾遺卷十四引作劉效祖密雲志卽此
書效祖官兵備道副使官吏表無其名僅見於吳佐密雲志鈔
序案效祖四鎮三關志成於萬厯初年與此書時相先後疑志
前有效祖序竹垞因以爲效祖撰也丁志存世則自序

馬永亨房山志

佚

永亨見官吏傳萬厯庚辰永亨知縣事延訓導晉州黃榜主修
縣志遼史拾遺卷十四日下舊聞卷一百三十引之

狄同產大城志

佚

卷數無考同產事蹟見官吏傳同產以萬厯九年任大城十年

延教諭劉遵訓導張宏文重修邑志分入綱子目四十三今張志存宏文一序

阮宗道東安志

未見

卷數無考宗道事蹟見官吏傳萬厯十年任東安因文舉手輯舊本略有成業特未加釐訂剞劂成書延訓導正定楊廷選邑人邵鳴岐編摩補輯再閱月而告成日下舊聞引之今李志存宗道鳴岐二序

王自謹三河志十二卷

佚

自謹見官吏傳萬厯十二年任三河與邑人蕭九峰勅修志事成志十二卷分十一門曰天文曰地理曰建置曰風土曰財賦

曰典禮曰官政曰人物曰選舉曰武備曰藝文間有鈔本流傳
遼史拾遺日下舊聞均引之今陳志存自謹一序九峰一跋

陶允光武清志

未見

卷數無考允光事蹟見官吏傳是志明萬厯丁亥允光爲令纂
修邑志延邑人許鋌梁津主其事五年始成是爲武清志之始
始吳紳志未存允光原序云自天文至雜志總之爲綱也十釐
之爲目也五十有五天文志而分野辨地理志而形勝稽秩祀
志而大禮明賦役有則職官有制鄉賢孝節之目昭而人物之
低昂一展卷可具云云其大略猶可概見遼史拾遺引用書目
作許鋌武清志實纂修非鋌一人也

梁太和保定志

佚

卷數無考太和於萬厯辛卯取王奉志重修刊行是田志之本

董方澗縣志

佚

卷數無考方事蹟見先賢傳初修澗縣志未成

張祥澗縣志

佚

卷數無考祥事蹟見先賢傳選史拾遺卷十四引之

徐玠澗縣志

佚

卷數無考玠邑貢生官全椒知縣初縣志稿見艾志彙啟元序

沈榜宛署雜記二十卷

存 刊本

榜見官吏表榜於萬厯二十年任宛平所撰純用志體考證附各門之後日下舊聞屢引之序云宛平二百年來無人紀述則明初宛平圖志宛平志皆未寓目者也述古堂書目列于地理總志

魏之幹涿縣志

佚

卷數無考之幹見職官表萬厯二十一年任彛序云萬厯壬辰前任邑侯武鄉魏公會屬不肖窺摩公三晉人豪文尙簡潔自出體裁所敷陳時政多不見採更隨意嚴削大意仿武功朝邑兩志

謝杰沈應文順天府志六卷

存 萬曆癸巳刊本

謝杰事蹟見官吏傳沈應文見職官表是書杰修於前應文踵於後府丞譚希思縣丞張元芳同編次分六綱三十七目書止六卷甚爲簡略

郭造卿燕史一百二十卷

未見

見明志地理類

孫國救燕都游覽志四十卷

存 明刊本

國救江南六合人由貢生授延平訓導是書考古證今文詞爾雅廣搜金石更其所長

蔣一葵長安客話八卷

未見

見明史藝文志地理類日下舊聞屢引之

姚士舜日畿訪勝錄二卷

未見

士舜海鹽人萬厯甲午游京師時尋訪都城內外諸勝因彙輯成編然所載古蹟實皆鈔撮孫國收燕都游覽志蔣一葵長安客話諸書不足資證據也

史國典懷柔志

佚

國典事蹟見官吏傳萬厯二十九年知懷柔延蜀人周仲士勅修邑志吳志序云萬厯志類多浮辭而實事反畧如建置分合

山川原本見於史者一一可考而皆不載人物藝文二門荒略尤甚然吳志載仲士縣志論志里社云邑令史君爲余言志所列里社鄉莊燦然盈楮帙其實無有也生齒壓居僅見之城郭而邨舍郊坳一望淒涼草爲瓦葦爲門亂石爲壁盡奔走若馬牛而顛連爲魚鼈矣間有一二浮屠衲子之宮金碧輝映問之則曰某中貴某戚畹之所修也若閭閻闕闕顧安所得哉夫煙火幾絕於千家而誅求未休於一日此司牧者所蒿目持籌而苦無良策者也舊役云今天下有名爲節省而其實有大不便於民者則近日之清減條鞭是已里甲之累民易知也以故改而爲條鞭立法者貴其可繼故改鞭之初尙寬裕有餘以俟有司之酌處乃一二浮薄輩倡爲節省之說以媚上司之好以圖一己之聲而各款盡爲裁減減之又減以至於必不能行而各

款將終焉已乎必不能終已則私派里甲以濟之大家爲掩耳盜鈴之計其害有甚於加賦余謂今日之裁革太甚徒掣賢者之肘而益以恣不肖者之無忌憚良有司者酌其必不可已之款其請增焉徭役稍得稱平平若牽節省之虛名而以罔吾民不仁甚矣志學校云士之薦褻詩書耜耜經史豈謂博一衿以詫鄉井市兒哉正謂育之膠庠升之巖廊庶國家得所用鄉邦有所範耳何一旦隸籍博士則棄帖畢如弁髦委卷帙如芻狗而且智遂錐刀行廿馭僧通賦梗徭重爲民厲士而若此是鄉之蠹國之蠹而民之莠也夫庠序以養秀民也而莠民云乎哉語曰朝釋籛暮垂弁蓋言變化之速也士宜如何自處矣志馬政云宋宏治八年兵部奏定馬政順天府屬二十七州縣各論免糧地畝領養各處解俵備用馬匹懷邑寄養馬四百四匹每

馬一匹編地三頃四十四畝六分每畝貼草料銀一分八釐宏治九年臺臣某以近畿役重民貧疏請捐夫役又疏停牧馬以示優恤從之祖宗之深仁厚澤養民之惠若此今寄養猶故固不敢輕議史君嘗言編貼地較隣邑地數獨窄是馬多而人瘠也擬申請未遑噫令民者受人託而不牧與芻究且馬與人瘠瘠矣此四論皆具卓識未必遜於吳志惜其書不傳遼史拾遺卷十四引之

徐昌祚長安里語一卷

存 萬曆壬寅刊本

昌祚字伯昌常熟人是編官刑劄時所作增燕山叢錄之後四庫提要云里語尤爲鄙俚又多失其本字本音不足以資考證案叢錄載畿輔碎事此篇專述京師故棄彼取此

艾友芝都縣志

未見

友芝事蹟見官吏傳萬厯三十五年知灤縣延邑人聶啓元李
鎧齋重修縣志今通州志存啓元一序

田龍保定志

佚

卷數無考龍事蹟見官吏傳萬厯三十七年知縣事續修縣志
分十一門曰天文曰方輿曰典禮曰建置曰學校曰田賦曰官
師曰人物曰節烈曰藝文曰災異見成志序

沈萬鈞香河志

佚

卷數無考萬鈞見職官表萬厯四十二年知香河勅修邑志未

刊

沈惟炳香河志

未見

卷數無考惟炳見官吏傳萬厯庚申惟炳因萬鈞重加修葺梓
行序有云炳長茲二年矣賦役繁重萑楚已不堪聞而悉索以
供儲胥者又似無底之壑可爲殷憂者鴻雁將盡集歟楚茨將
盡抽歟菑苻之嘯聚盡弭擗蒲之呼引盡散歟且也文運晦冥
士鮮奪標之氣武夫鈍敝兵怯拏旗之威運河之困難蘇皮毛
已盡左道之愚難破枝蔓將滋有司者良心未死業不能傳舍
其官路人其赤子豈忍其積衰養弊姑爲此悠悠忽忽之計以
待後日願令所欲爲者心耳便宜之權上爲政機會之適時爲
政上得一實心舉政之吏誠萬不欲奪所當爲而時危之不能

一爲安也時窮之不能爲通也時逝波之不能爲迴瀾也一邑令
烏乎與爭長年三老意有所欲適而風帆不利不得不望若而
歎此之謂耶亦第不傳舍其官路人其赤子斯已矣後之鏡斯
志者四境之憂具在目前而指掌運之能不如今日者之徒痛
心疾首乎炳固謝事猶慰也讀此序其時國事可知亦難得此
仁人之言矣今劉志存惟炳王豫立二序

錢達道霸州志十二卷

未見

達道見職官表葛麻中知霸州事勅修州志見稽瑞樓書目選
史拾遺卷五亦引之

袁黃寶坻勸農書二卷

存 了凡雜著本

袁黃事蹟見官吏傳是編知寶坻縣時所作嘗因賦役繁重具
疏乞減其於利弊素所究心故語語親切非同泛爲高論者

鄭之城東安志

佚

卷數無考之城事蹟見官吏傳天啟四年任東安與教諭蠡縣
遊崑訓導天津陳瑾加意蒐輯新舊畢陳撥於各款之下又從
而詮次之斷以萬厯癸未年爲始續前令阮公之後迄天啟乙
丑而止今存華珙芳之城二序

紀大綱文安志

佚

卷數無考大綱事蹟見先賢傳井焜序唐志云近于紀泰安得
給諫所纂縣志遺稿雖越世久遠而增修有據

唐紹堯文安志二十卷

未見

卷數無考紹堯事蹟見官吏傳紹堯崇禎元年宰文安延邑人
井焜紀克家任志事焜傳云縣爲九河下流苦水患故志於河
渠獨詳楊志存焜一序

趙三極蘄州志

伏

卷數無考三極見職官表天啓間知州事崇禎二年與學正劉
寰同纂州志

秦士奇固安志

未見

士奇事蹟見官吏傳士奇以崇禎三年宰固安自大兵之後文

卷俱盡士奇偕邑人楊文祈周自新曹夢麟馬似多邢垂標侯
奉職周綿郭成名搜輯遺逸續爲新編甫成被逮而黃奇遇梓
之時爲崇禎五年今志存士奇奇遇文祈三序

唐舜卿涿州志十二卷

未見

舜卿未詳何時人見明史地理類遺史拾遺卷十四引之

秦金通惠河志二卷

未見

見明史地理類案通惠河卽高粱河源發西山玉泉東入都城
西水門南出玉河橋水門東行會南北城河由大通橋東下經
慶豐閘平津上下閘普濟閘東至通州入白河元世祖至元二
十九年郭守敬開此河置閘蓄水通州以濟漕運賜名通惠蓋

此河在西直門外今仍稱高粱河入都城

大內則稱玉河流出東便門外大通橋河由五閘迤邐而下至通州則稱通惠河土人呼曰裏河本一河而隨地異名是今通惠河卽古高粱水也白河爲古鮑邱水據水經注高粱水至潞縣注於鮑水今通惠河下流入白河與酈注合考之前代魏劉靖北齊斛律羨皆導高粱水會潞灌田者又桂文襄公奏議亦云此河元郭守敬由古水道開濬非自守敬始可知守敬卽因高粱水入潞故道廣爲開濬上源多引白浮神山玉泉諸水下流因地勢建閘蓄水以成河耳今人習焉不察皆知爲通惠河而不考其卽古高粱水也

吳仲通惠河志三卷附錄一卷

未見

按明史河渠志仲嘉靖六年官御史上言通惠河屢經修復皆爲權勢所撓願通流等八閘遺跡俱存因而成之爲力甚易歲可省車費貲二十餘萬且歷代漕運皆達京師未有貯國儲於五十里外者帝心以爲然命侍耶王軌何詔及仲偕相度軌等言大通橋地形高白河六丈餘若濬至七丈引白河達京城諸閘可盡罷然未易議也計獨濬治河閘但通流閘在通州舊城中經二水門南浦土橋廣利三閘皆闕閘衝市不便轉輓惟白河濱舊小河廢壩西不一里至堰水小壩宜修築之使通普濟閘可省四閘兩閘轉搬力而尙書桂萼言不便請改修三里河大學士楊一清張璠是仲議明年六月仲報河成因疏五事言大通橋至通州石壩地勢高四丈流沙易淤宜時加濬治管河主事宜專委任毋令兼他務官吏閘夫以罷運裁減宜復舊額

慶豐上隔平津中隔今已不用宜改建通州西水關外剝船造
費及遞歲修給俱宜酌處帝悉從其所請九年仲出爲處州知
府進所編通惠河志帝命送史館采入會典且頒工部刊行是
當時盛稱其功矣按明史載蔡志四庫總目載吳志內閣書目又云郎中江一中修未知是一書否
于奕正劉侗帝京景物略八卷

存刊本

侗字同人麻城人崇禎甲戌進士官吳縣知縣奕正事蹟詳先
賢傳是編詳載北京景物奕正摭求事蹟而侗排纂成文以京
師東西南北各分城內城外而西山及畿輔併載焉所列目凡
一百二十有九每篇之末各繫以詩採摭頗疎考據亦不的確
刊本旁加句讀以爲佳句復加墨圍直以時藝視之明人弁陋
實可哂也

史恒德涿鹿記

未見

卷數無考遼史拾遺十四引房山一條日下舊聞二十九引通會崑崙月池三條似是涿州地志三十引房山一條明時房山屬涿州也涿鹿以山為名寰宇記云涿州古涿鹿之地史記黃帝與蚩尤戰涿鹿之野即此地記名涿鹿蓋據此也

陳繼新翠微志

未見

卷數無考翠微山即平坡山在城西三十里寺名平坡寺宣德中改寺額曰圓通改山名曰翠微通志稱其上平原百里煙雲樹石皆稱奇勝

張爵五城坊巷榭集 卷

存刊本

是書專記坊巷術術分五城地段古跡寺觀詳載無遺

于燕芳燕市雜詩

佚

卽眉公雜錄之一種

史元舊京遺事

佚

見叢書總目

徐懋賢忠貞軼紀一卷

存 寄園寄所寄本

懋賢江南人官順天教授軼紀專載京師甲申殉節之士半屬
儒生間及一二武職閱曾要以闡揚幽光補國史所不及焉今

所紀姓名事蹟全載於寄園寄所寄裂昔寄

明宮殿額名

未見

卷數撰人無考日下舊聞屢引之

京城古蹟考

未見

卷數撰人無考日下舊聞屢引之

寶坻政書

未見

卷數撰人無考見絳雲樓書目明代典故次於蘇州口賦冊吳
江水利考之下應是記治寶坻政績書

天壽山諸陵總圖一卷

佚

撰人無考見明志地理類

沙河行宮圖一卷

佚

撰人無考見明志地理類

國朝

欽定日下舊聞考一百二十卷

存 乾隆 年刊本

乾隆三十九年奉

敕撰因朱彝尊日下舊聞原本刪繁補闕援古證今一一詳爲考
覈定爲此本原書分星土世紀形勝宮室城市郊坳京畿倚治
邊障戶版風俗物產雜綴十三門外增列

苑園官署二門并前爲十五門又原本城市京畿二門五城及各州縣分屬之地今昔不同一一以新定界址爲之移正列聖宸章涉於

神京風土者悉案門恭載尤足以昭垂典實藻繪山川千古輿圖當以此本爲準繩矣

欽定盤山志二十一卷
存 乾隆 年刊本

大學士蔣溥等奉

敕撰山志自青澗釋智朴草創成編辭旨冗蔓體例未備乾隆十

九年二月因

行幸靜寄山莊爰

命蔣溥汪由敦董邦達纂修新志溥等承

詔屬彙詳加衷輯分圖考名勝寺宇流寓方外藝文物產雜綴八
門釐爲十六卷首冠以

巡典

天章五卷至十二月書成奉表恭進焉

孫承澤天府廣記四十四卷

存鈔本

是書以京畿事分類編輯凡建置府治學宮城池宮殿各一卷
壇廟四卷官署二十三卷其中倉場漕務附戶部選舉貢附禮
部之類又各以所屬繫錄人物二卷名勝川渠名蹟寺廟石刻
陵園各一卷賦一卷詩三卷全用志乘之體承澤所作春明夢
餘錄多記明事是編則上該歷代下迄於明爲例稍殊

佟有年房山志十卷

存鈔本

有年事蹟見官吏傳康熙三年有年知房山事延邑人齊推孫庭芳陳元荃李克家齊揆張振奇王應秀重修縣志分三十二目共八卷別無總目凡例十則識見卑陋文筆沓冗志之不文亦可知矣

劉漢儒王秉乘大城志

佚

漢儒秉乘見先賢傳康熙三年同修邑志未梓而先後卒是張志所本

任在陞平谷志

未見

卷數無考在陞見職官表康熙五年知平谷縣與訓導李柱明

重修邑志在陸序云恆陽李君柱明承學任以教化爲大務會
逢朔期與紳博弟子輩商推厥事僉曰甚善遂果於續補猶未
之竟成俄而上台有修補志書之令爰與李君纂輯命邑庠之
老成經歷者數陳軼事採訪時尙詳其所當詳略其所當略凡
邑中之山水景物宮室廟宇靡不畢載若夫循良治績科名甲
第以及明經宦遊者綴補七十餘載事至於錢穀兵刑簿書會
計依制叙入下而里巷之謳吟與士女之節孝有關風化者則
續補之李序亦存任自署名云金明任在陸朱志以爲金公在
陸可矇朱彝尊日下舊聞引用卽此志

張象燦大城志八卷

存 康熙十二年刊本

象燦事蹟見官吏傳象燦康熙八年任大城偕教諭王嘉言邑

人李淑秀吳煜劉板馬恂馬璉劉源鄧曰睿鄧曰詰鄧曰震取
劉漢儒王秉乘重修志乘略加修葺分八門曰輿地曰宮室曰
賦役曰官師曰選舉曰人物曰藝文曰災祥子目六十五其衙
署廟寺衙巷坊表均入宮室志實未妥洽宮室二字亦非縣志
所應有也

朱庭梅霸州志十卷

存 康熙十五年刊本

廷梅見職官表康熙九年任州事延學正趙璧重修州志成書
十卷分十三門曰輿地曰典禮曰建置曰學校曰武備曰食貨
曰官師曰山川曰城郭曰人物曰藝文曰方技曰雜志子目七
十有六

韓淑文順義志

未見

卷數無考 淑文見職官表康熙九年進士任順義續修縣志黃志存淑文一序

李慶祖良鄉志

佚

卷數無考 慶祖事蹟見官吏傳康熙十年以恩廕宰良鄉延邑人張侍御璟續修縣志因其兄張珽纂築重編楊志存慶祖張珽二序璟凡例十則例云門十目六十一與楊志合大約楊志視此稍增耳見聖跋云未刊

陳祝升固安新志八卷

未見

祝升見職官表康熙十年宰固安借邑人李樵沈子龍王邦翰

楊蔭餘同修時正修一統志也今存祝升一序

崔啟元文安志

未見

卷數無考啟元事蹟見官吏傳康熙十一年知文安邑志自崇禎己巳至康熙壬子凡三十五年闕修延紳士編訂廢墜具舉
楊志存啟元一序

趙宏化重修密雲志

佚

卷數無考宏化見職官表康熙六年知密雲十二年修縣志去
張志九十七年序云原梓糲糊錯落篇內多滑謬繁缺文獻無
徵守土者責將焉辭於癸丑孟夏謀於太學暨諸弟子員考訂
事實疏類分門始於天文繼以地理終以人事凡爲綱者三爲

目十有八閱兩月乃克就緒所謂清者清謬者正缺者備繁者簡云云同纂邑人刑部員外郎杜琳恩貢生王廷棟丁志存宏化自序

任塾三河志

佚

卷數無考塾事蹟見官吏傳康熙十年任三河續修邑志亦未刊行

閩興邦通州志十三冊

未見

興邦事蹟見官吏傳康熙十年知州事十三年屬衡陽周士儀增修得稿十三本未梓

牛一象寶坻志

未見

卷數無考一象事蹟見官吏傳康熙十三年中修一統志命各郡縣先修志乘一象偕教諭苑育蕃共事纂輯適大學士杜立德家居主其事故邑人謂之杜志

王士美東安志

未見

卷數無考士美事蹟見官吏傳康熙十年任東安縣延訓導馬元調邑人張舜扈運閱重修邑志逾月告成十四年李大章刻之今李志存候應封士美大章元調四序

吳都梁昌平新志二十四卷

存刊本

都梁見職官表康熙十二年都梁任州事與昌平道奉天耿繼

先陳前志重修日下舊聞引昌平新志卽此書

成其範保定志四卷

存 康熙十三年刊本

其範事蹟見官吏傳保定志修於萬厯癸丑至其範於康熙癸丑知縣事已六十年偕邑人王鼎臣柴經國共修之分十門曰象緯曰方輿曰建置曰學校曰典禮曰食貨曰官師曰選舉曰人物曰藝文子目六十四名宦鄉賢兩傳純以四六空言非銘非贊而事實遂毫無可考實爲不善取法志版刻於康熙久已剝闕字跡零落更難考核

鄧欽楨武清志

未見

卷數無考欽楨事蹟見官吏傳康熙乙卯欽楨延邑人趙之符

教諭李衷緝貢生李子楨續修邑志衷緝原序存吳郡志中

萬一肅永清志十五卷

未見

一肅見職官表康熙十年知永清縣于十五年與訓導喬寯定著永清縣志爲十一篇凡十五卷一日天文二日地理三日建置四日圖考五日職官六日選舉七日人物八日賦役九日記典十日文籍十一日詞賦周志謂其文詞多不雅馴難垂典則然初始之難自古已然要其搜剔固已勤矣周志存一肅寯兩序

劉德弘涿州志

未見

卷數無考德弘事蹟見官吏傳康熙十五年知州事十六年重

修州志邑人馮祭酒源濟序之今吳志存馮序是時房山屬涿州各門兼載房山事吳志凡例摘其山川門獨鹿山爲涿鹿山又誤讀史記獨鹿鳴澤之文以爲有鹿鳴澤遂曰鹿鳴澤在獨鹿山下選舉門進士首列盧照鄰未知唐舉子稱進士次列張知饗兄弟未知明經之異乎進士竇儀兄弟列於宋王脩梁銓列於遼均未考其時代人物門魏之劉資字彥龍放孫考三國志劉放與孫資合傳資字彥龍孫其姓也改爲劉放之孫舛錯如此至趙在禮列於忠節姚廣孝列於方外俱屬紕繆之甚者

董廷恩薊州新志

未見

卷數無考廷恩事蹟見官吏傳康熙十六年莅州事十七年廷學正郭濟訓導梁士滋左方焯同修州志沈志尙存廷恩一序

劉深香河志十一卷

存 康熙十七年刊本

深事蹟見官吏傳深以康熙十四年知香河縣事重修縣志成書十一卷分十一門曰天文曰地理曰建置曰田賦曰兵防曰禮樂曰秩官曰選舉曰人物曰雜志曰藝文子目九十一以學校壇廟歸建置寺觀古跡歸雜志甚有條理

顧炎武昌平山水記二卷

存 萃林遺書本

炎武崑山人博極羣書最明於地理之學是書考證詳明叙述有法惟云南河縣故城在縣東南二十五里案南河唐縣河北道邢州唐未嘗僑置也寰宇記隋開皇三年屬洛州尋屬邢州卽西漢縣廣平國東漢縣冀州鉅鹿郡者也其故城何以在今

順義境地理韻編南河附詳南和下謂在今直隸順德府南和縣治新料注漢志同顧氏所云不知所据必未核也

北平古今記十卷

未見

見朱彝尊日下舊聞引用書目張穆顧亭林年譜遼史拾遺引作孫承澤誤

京東考古錄一卷

存 說鈴刊本

案此書吳震方說鈴收之 四庫書存目謂其文皆見炎武所撰日知錄及昌平山水記殆震方勦取別行偽立此名也案衍生書日本有此書提要殊武斷蓋先生所著書其精華無不采入日知錄者不但此一書也

萬歲山考一卷

未見

見張穆顧亭林先生年譜

高士奇金釐退食筆記二卷

存 說鈴刊本

士奇是編乃康熙甲子官侍講學士入侍

內廷時所作自序稱衙署監局載會典者不書訪問未確者不書
外人所罕窺者亦不敢書士奇出入

禁廷朝夕考校故所記往往可據

朱彝尊日下舊聞四十二卷

存 六華閣刊本

彝尊秀水人官至翰林院檢討罷官留都下以京師遺金元明

歷代建都之地迺采摭羣書自六經國史詩文別集百家二氏以至海外載紀殘碑壞碣靡不搜錄成四十有二卷題曰日下舊聞古來誌都京者前莫善於三輔黃圖後莫善於長安志彝尊蒐羅詳洽已駕二書之上其子昆田後加搜葺附於各卷之後乾隆三十九年奉

敕重編後此書已爲大輅椎輪然其考證之勤搜羅之博究非郭造卿劉侗輩所可同日語矣

項惟貞燕臺筆錄一卷

存 學海類編刊本

惟貞秀水人彝尊門人此書卽日下舊聞內風俗一門刻入曹溶學海類編考彝尊撰舊聞時溶歿已久安得錄之學海類編割裂原文強立名目猶沿明人習氣非溶原本此亦一證

米漢雯宛平縣志六卷

存 康熙二十三年刊本

漢雯事蹟見先賢傳此志爲漢雯官左中允時所修分六門曰地理曰營建曰食貨曰政事曰人物曰藝文令宛平者爲漢中王養源志中列縣志新舊八景近於庸陋至冢墓門列建文君墓在黑龍潭金山口北亦近於鑿空矣

張茂節大興縣志六卷

存 鈔本

茂節事蹟見官吏傳志爲茂節後任大興時所修序云自有大興以來遠不具論卽由明迄今令茲邑者不下數十百人皆未聞有志願予何人儼然獨創其始鮮不以爲愚且妄矣云云是茂節此書實爲創始而編輯則順天孝廉李開泰貢生郝尙禮

徐兆斗校正則生員張采陳國瑞叅閱則順天府學教授邢吉士訓導張調爾閱歲二載有奇爲綱有六爲目三十有二不出明人志書窠臼今僅存鈔本首尾缺失字跡脫落序首缺一葉并脫修志年月以卷中職官考茂節復任在康熙十九年科目考載至康熙乙丑科爲康熙二十四年志當修於是時迄今已二百年修復舊觀亦官斯土之責矣

并焜文安志二十卷

佚

焜事蹟詳先賢傳此書見文安楊志

張朝琮宰文略

存刊本

無卷數朝琮見官吏傳朝琮宰文安有政聲後擢薊州取宰文

安時舉辦政蹟彙編之皆實錄時事不甚鋪張非虛語也

吳存禮通州志十二卷

未見

存禮事蹟見官吏傳康熙三十五年知州事延長洲貢生陸茂騰取閩志稿十三本刪修因順治十五年裁鄆縣入州并附入鄆縣事蹟探明萬厓間鄆令艾友芝所修鄆縣志共編十二卷付梓今志存韓菴石文桂沈朝聘于準許兆麟沈志達存禮七序尹澍戴璿二跋

釋智朴盤山志十卷補遺四卷

存 康熙三十八年刊本

智朴事蹟見釋道傳盤山突起薊門無所附麗單椒蔓壑獨擅雄奇自唐文皇駐蹕茲山遊金諸帝莅止不一迨于

本朝

翠華臨幸

御書

宸藻照曜山谷智朴輯而爲志共四門分十卷曰名勝曰人物曰建置曰物產曰游幸詩文附焉補遺四卷皆輯詩文附雜綴數葉窮九年之力僅而後成王士禎宋學均作弁言甚爲推重乾隆十九年

欽定新志搜羅賅備考訂詳明豈朴所能彷彿萬一而椎輪伊始裘腋惟勁朴之功究非尋常俗衲可同論矣

楊嗣奇良鄉志八卷

存
刊本

嗣奇見職官表康熙三十九年知良鄉借邑人見聖陳玘唐美

中續修邑志門目仍李志之舊文筆尤蒼編次凌亂志乘之下者

楊朝麟文安志八卷

存 康熙癸未刊本

朝麟事蹟見官吏傳朝麟以康熙三十九年調任文安偕邑人王璉紀昞胡涉魏四易李灼陳儀陳僧李其旌并鑄紀應口等續修邑志分皇恩方輿沿革星野疆域鄉鎮集市禮儀風俗古蹟墳墓物產城池公署學校營制壇壝廟寺橋梁坊表賦役戶口人丁田賦稅課鹽政倉儲河渠堤工僉議名宦縣職教職營職鄉賢忠烈孝子列女隱逸仙釋寓賢畫苑甲科鄉科歲薦歲恩選例貢武進士武舉薦辟武胄掾史中貴封贈恩廕命婦咸晚藝文事異共五十九目其古蹟廣陵城云五代史劉海蟾燕

地廣陵人也今五代史無此語因漢燕王旦詩列空城因魏地
形志有平曲城列平曲縣展轉牽引不出地志之習

鄭富民三河志

未見

富民事蹟見官吏傳康熙三十九年在三河續修邑志今陳志
存富民一序

張朝琮薊州志八卷

存康熙四十二年刊

朝琮事蹟見官吏傳康熙三十三年四十一年兩任州事借邑
人崔顏重築州志分八門七十九目古蹟之後重列美景殊屬
無謂

章會印武清志

未見

卷數無考曾印事蹟在官吏傳康熙辛巳曾印偕邑人李煒開局重修原本陶志更加刪潤吳紳志中存序云紅剝船差爲歷來大害今已裁去馬廠地畝爲小民大累今已清釐河堤沖決爲漕運民生大病今已准留丁沽稅銀作歲修之用可保安瀾種種諸務皆與民社休戚相關可不修志以記之與其事者教諭大名蘇達訓導龍門王象春邑人河南僉事趙珣貢生田士璋

鄭善述固安志八卷

存 康熙五十三年刊

善述事蹟見官吏傳康熙四十六年宰固安去陳志重修之時已四十餘年偕教諭耿永年訓導范繩祖邑人曹江傅應龍卜

漢超張攀龍煒周佺同修藝文載邑人爲善述撰書序二篇是屬弁陋

郭應儒密雲志鈔

佚

卷數無考應儒字子文邑人康熙五十年撰丁志存吳佐序

吳景果懷柔新志八卷

存 康熙辛丑刊本

景果事蹟見官吏傳康熙五十二年知懷柔縣與吳江潘其燦同修成圖四建置星野疆域城垣山川關隘廨宇學校行宮道路里社廟寺祠墓風俗災祥官師科貢人物賦役物產雜綴文詩二十三目條例井然惟詩中雜存景果其燦倡和之作皆流連風景無關考證究不合法

李因篤芹城小志

存

因篤字天生富平人芹城隸今昌平是志蓋寓昌平時所撰日下舊聞昌平宋志多引之

顧貞觀溫陽紀略

未見

貞觀江蘇無錫人客遊懷邑就所見者紀之金明昌六年名縣爲溫陽故名日下舊聞引用最多

薛天培密雲志六卷

存
刊本

天培事蹟見官吏傳康熙五十七年任縣事延雲南陳安謨重修序云上自

行宮橋梁道路堂與亭閣

宸章寶翰煥日星而發山谷之光者恭紀之其邊臣之碩畫文人
學士之詠吟一一搜羅悉登紀載至其城池驛堡隨時更變風
土人物不無屢易一切注明俾後之觀者展卷如指掌焉

黃成章順義志四卷補志一卷

存 康熙六十一年刊本

成章事蹟見官吏傳康熙五十五年以舉人宰順義延四川貢
士張大酉同撰己亥歲先成四卷後假寓居邑中蒲洲舉人文
明藏書復續成一卷其中考訂舛錯文辭卑陋如趙宏燮調成
章令大城一招載入志中從來無此體例宏燮入祠名宦並載
其木主之式成章後跋有云細閱學憲批語與紳士呈詞其中
稱述歷任實事俱切確不浮非同溢譽崇祀名宦足徵三代之

公前康熙五十一年八月初五日章同四川成都紳士隨布政司宋致恭送勇略將軍襄忠公入文廟今又于康熙六十一年八月初四日躬逢崇祀盛典兩代名宦一送于西川一送于北直並書之以誌先後相遇之奇亦不文之甚矣

程璇渠陽水利書

未見

卷數未詳璇見官吏傳璇宰寶坻有惠政雍正丙午復命督寶坻隄務濬鮑耶窩頭河二道以洩水塞香河縣七里河明口築隄自三河新集料馬莊至寶坻江滄口次視工六年著此書爲善後計

項景倩平谷志

未見

卷數無考景倩事蹟見官吏傳雍正六年續修縣志朱志存景倩序然考乾隆朱克閔志自序云僅卽數十年之文武職官恩拔歲貢籍貫姓名任事考授年月補而增之是朱志所增止此餘皆景倩之原書也

吳紳武清志十二卷

存 乾隆七年刊本

紳事蹟見官吏傳乾隆壬戌紳廷曹涵趙晃共修編十二卷列

諭旨

宸章巡幸於卷首列星土建置沿革形勝疆域城池公署學校里社集市田賦戶口起運存留課程剝船撥補河渠武備秩祀郵傳古集寺觀風俗物產禡祥職官選舉名宦褒封流寓仙釋人物列女藝文三十五目順天各志中猶爲有條不紊者惟人物

一門子目頗病駁雜藝術一人第稱其精技黃並無事實佐證觀其遺行亦不僅以藝見列女亦人物也何以別爲一門體例未當至附內臣於鄉賢尤弗思之甚者固不待辨而自明矣

李光昭東安志二十二卷

存 刊本

光昭事蹟見官吏傳乾隆八年任東安縣延蕭山周琰重修邑志分十七門曰天文曰地理曰建置曰學校曰祀典曰巡幸曰賦役曰風物曰職祥曰職官曰選舉曰人物曰貞烈曰河渠曰古蹟曰藝文曰拾遺目六十六河渠分新舊二圖最爲詳備列傳官民雜列尤繁已甚增入八景自爲補舊志未備而不知非志乘所應有也

伍澤榮寶坻續志

佚

澤榮事蹟見官吏傳洪肇林與邑紳齊云首令伍公作續志稿
罷去遂不果

洪肇林寶坻志十八卷

存 乾隆十年刊本

肇林事蹟見官吏傳乾隆四年知寶坻縣十年延江陰蔡寅斗
修志五年始成爲卷十八爲門十二爲目七十有六創凡例十
二其訂訛云舊志雖簡而訛者實多有古蹟訛者如以秦城爲
唐太宗築淤泥河爲高開道失陷處羅將軍墓爲士信大覺寺
鐘爲東海浮來之類是也有姓名訛者如以李愿爲李愿忠黑
所彥明爲黑所彥蔡完者不花子以帖木兒爲官名僧洪源之
爲常在又爲常住黃冠劉元之爲元藝又爲藝元之類是也有

職官訛者如列劉晞顏于縣令置程產明于柳青上混郭伯顏不花果不花爲一人丁儒丁進之更互其職之類是也至有事實訛者如劉英之言事罷官訛爲秩滿張奇勛之殉變訛爲養志終身楊王氏張氏姑媳之與難守節訛與凡撫孤者同辭崔國祚之孝行崔周田之文學合于一傳又訛其兄弟爲父子之類是也有水道訛者如謂柳沽河在縣東南潮河發源于梨沟鮑邨三派及窩頭鮑邨水之出于通州香河縣之類是也有年代訛者如以四鄉名爲起于弘治以剡船爲始于

國初及竈戶之不詳其所自來之類是也其論頗合羣林寅斗均擅文名考訂較他志爲詳然名目繁瑣以及星野八景不出地志之習名宦應入官師不當列於人物列女應入人物不當別立一門古蹟禳祥謂之拾遺寺觀仙釋又名別錄亦未能盡合

志例矣

潘榮陞帝京歲時紀勝

存 乾隆二十二年刊本

榮陞大興人此書序述京師歲時勝事當乾隆初年海宇靜謐人物富庶游覽之勝十倍今茲筆亦裁翦得體

陳景三河志十六卷

存 乾隆二十三年刊本

景見職官表乾隆二十一年任三河距鄭志又五十餘年景廷江南舉人王大信總纂成書十六卷分十四門曰職方曰形勝曰建置曰典禮曰賦役曰鄉閭曰風物曰職官曰選舉曰兵防曰水利曰人物曰雜識曰藝文子目七十六五歲而後成是書體例謹嚴采取簡淨且注出處順天舊志中最善之書凡例有

云彼此互異者主一說而衆說可廢則附以案語有衆衆說而一說始明則援以旁通有一事而互見則各系其說於本條有兩說可並行則並載其書於本類昔衛正叔常纂禮記集說曰他人著書惟恐不出於己余此編惟恐不出於人竊附正叔之義以見言非臆造云可謂擇善而從者矣

釋自如吳仁敵上方山志五卷

存 光緒四年刊本

上方山卽大房山之一峰北連諸山有天柱飛來翠微象王望海諸峰有雲水延壽華嚴白牛九還金剛朝陽文殊諸洞最擅勝境寺名兆率者取上方六欲第四天之宮名也志爲僧自如創稿江甯吳仁敵校訂爲名勝第一人物第二建置第三詩文第四物產第五備具紀載文筆簡陋無比如載北齊百詠禪師

塔記系偽託至云北齊後主隆化元年重陽日林手撰文范陽張鷟也北朝人無此文法

吳山鳳涿州志二十二卷

存 乾隆三十年刊本

山鳳事蹟見官吏傳乾隆二十八年知州事重修州志分輿地建置事迹食貨選舉職官人物藝文九門子目二十九凡例十條駁正舊志頗中其失然人物門載入崔寔祖瑩考范書崔駟傳云涿郡安平人他書亦有僅稱涿郡者漢之安平卽今深州安平魏書祖瑩傳云范陽道人今保定府定興縣東十里均非今州地所載崔氏祖氏諸人仍不免地志牽引之習藝文名目瑣屑更無足取

朱克陽平谷志十卷

存 乾隆四十二年刊本

克閱河南嵩縣舉人乾隆三十七年任縣事續修分地里國賦秩官選舉人物藝文六門三十九目成上中下三卷大約皆項志之舊也

劉錫信潞城考古錄三卷

存 乾隆四十三年刊本

錫信見先賢傳乾隆中開館修日下舊聞考朱筠以通州鄠縣諸卷分屬錫信爲考正數十條詳加案語於原書所未備者采摭各史及說部雜記並諸家詩文集以補其缺遺暇日涉獵羣籍隨手劄記復增輯若干條亦皆朱氏書所無又摘州志沿譌襲謬之處並方輿諸書之有關通潞者條舉而正之釐爲三卷上卷雜考中卷遺事下卷詩詞已載日下舊聞及通州吳黃二

志者概不收入亦北方學者係出者矣

關廷牧甯河志十六卷

存 乾隆四十四年刊本

廷牧事蹟見官吏傳乾隆三十九年知甯河縣事甯河自雍正九年分寶坻置至是將五十年廷牧延仁和徐以觀諸暨余炳南海關上謀馮城順德張世泰創修專志分十門曰職方曰建置曰祀典曰賦役曰職官曰選舉曰人物曰藝文曰風物曰雜識目六十五成書十六卷志中疆界最詳例云始分之邑疆域尤重土田之界限命盜之捕緝夫役之簽發渠埝之修廢稍有不清每多牽混推卸至起事端今按全圖詳註四址細列八到庶幾經界截然方音一門尤爲獨創惟八景分圖自謂壯觀實沿俗派

周震榮永清志二十五篇

存乾隆四十四年刊本
嘉慶癸酉補刊本

震榮浙江嘉善人乾隆四十二年以舉人授永清知縣延會稽章進士學誠任志事創紀二曰皇言曰恩澤表三曰職官曰選舉曰士族圖三曰輿地曰建置曰水道書六曰吏曰戶曰禮曰兵曰刑曰工政略一列傳十學誠淵通淹雅熟精史例所著文史通義言方志者甚詳至云州縣修志古者封侯一國之書故紀表書傳皆法史遷其說甚創而確每卷標明義例繁稱博引亦能達其所欲言惟皇言詳載詰勅士族備述牒譜名都鉅族載不勝載他若職官宜分品級教職應列任雜之先輿地既有總圖合境須載全圖之內士族固以城中爲首而城內古蹟反後於四鄉列女非以閨閣相高而柴氏三人別見於士族兵書

既載兵額而武弁不表職名工書勤記樹株而河防不詳夫額亦屬千慮一失矣

永清文徵五卷

存 附志後

學誠修永清志成又取一時徵集故事文章擇其有關永清而不能併收入本志者又自以類相從別為奏議徵實論說詩賦金石各為一卷

高天鳳通州志十二卷

存 乾隆四十八年刊本
道光十八年重刊本

天鳳事蹟見官吏傳乾隆四十八年任通州四十八年增修州志仍為十二卷同修者江南金梅楊廷琮浙江沈璣

李炳石壩須知

存

無卷數炳見職官表乾隆四十三年任通州州判分管石壩四十四年誤石壩須知自序云判官故閑曹無事事而屬通州者分管石壩兼河務七字闕防篆文百家經紀歲自通惠河轉運東南漕自三百數十萬石由石壩司權量較盈絀督運以實

京倉兼以張灣河汛迎溜頂沖舊築土隄長若干丈隄外又建板壩長若干丈以資保障第水陸交衝人煙輳集蹂躪甚於他汛南船來往停泊壩外板橋持撐險於他工任綦重哉余自金匱左遷州判官乾隆庚寅奉

簡命需次畿輔起明年辛卯攝是篆未得補迄今又八年矣仍膺是職藐爾微員當此重寄爰考州志漕運則例及元明諸史

國朝會典通志諸書凡與石壩相雜繫分沿革以重國計較盈縮

而希軍儲與夫判官之職事專責成以重考課杜影射而防盤踞者係分糶析錄爲是編如負之在背無或釋也如田之有畔無或越也名之曰石壩須知衡何以平量何以準起運何以迅速工段何以修防書役之廢理判官因之兵目之勤惰判官任之覽是冊也庶知夫事之所關者甚鉅責之所屬者莫道職守重而報稱實難乾隆四十四年歲次己亥三月

吳長元宸垣識略十六卷

存 乾隆五十三年池北草堂刊本

長元仁和人客京師十餘載留心掌故卽經一坊巷一苑刹亦必詢其所自將擬爲帝京景物長安可游之積時日下舊聞考頒行乃綜括其大綱參之以所掇拾上自

宮府下迄郊坰爲宸垣識略十六卷所采不出舊聞考惟增王侯

甲第名人故宅小小補綴亦具苦心固游覽者之所取裁也

戴璐藤陰雜記十二卷

存

璐字蔗塘歸安人博聞多識著作等身尤熟於

國朝掌故官水曹至躋卿貳前後垂三十年凡耳目所及筆之於書爲雜記十二卷首述

國初諸先達科名盛事次紀京師五域名勝旁及郊坰其間詩酒遨遊古今興廢靡不考據精審殫見洽聞大旨仿漁洋山人偶談筆記諸書而作

王萱齡昌平志稿

未見

萱齡字北堂昌平人書未成而沒麻兆慶昌平志外志存其軍

都攷云萱齡案軍都卽薰鬻一音之轉史記絳侯周勃世家正義云昌平本漢渾都縣易良九三厲閻心王本閻作薰是渾薰軍古音同也夏小正雞孚粥粥通作粥說文粥呼雞聲鬻說文孚也从粥者聲都字亦从邑者聲州人呼粥爲州滿洲爲滿朱亦爲滿都尙書教胄子說文引作教育子是鬻都古同音也故漢書燕刺王旦策曰薰鬻氏虐老獸心姦巧邊吐薰鬻徙域北州以妥薰鬻本居於此州及徙域而軍都之名不去也

趙錫蒲薊州志八卷

佚

錫蒲事蹟見官吏傳嘉慶九年十五年兩任州事偕邑人蔣本德共修沈志序云未成止有草本

李逢亨永定河志三十二卷

存 嘉慶二十年刊本

周天序志二百三十三

逢亨見職官表嘉慶十六年任永定河道所纂案永定河卽水經注之灤水東北合桑乾水金元謂之盧溝河一名渾河又名小黃河康熙三十七年

賜名永定河水性湍急挾擁泥沙易淤善潰業稱難治歷代以來恆爲民患

本朝建隄設官規模宏遠非前代補苴之爲可比逢亨恭錄
列聖諭旨

宸章於篇首後分八門曰繪圖曰集考曰工程曰經費曰建置曰職官曰奏議曰附錄凡三十二卷至詳且盡首載六次改河圖沿河州縣分界圖尤爲瞭如指掌後均沿河摘要十條有成法之中人或易忽者有工程之間必須通融者有爲一時倉猝之

備者有爲日後久遠之圖者叅酌施行寔事求是談永定河者莫不奉爲圭臬焉

沈銳薊州志十卷

存 道光十一年刊本

銳事蹟見官吏傳道光九年任州事與會稽章過德清金天瑞同修增爲十卷九門曰方輿曰建置曰祀典曰賦役曰官秩曰名宦曰仕紳曰人物曰藝文八十五目藝文所收大抵不專爲薊州而作實爲龐雜

燕京雜記

存 聚珍本

此書雜記京師服食器用時節頗爲詳備惟不知撰人名姓而其中時尙之事大半在道光中葉與日下舊聞考不同而與今

時亦異蓋道光中人作也署名不曰京師而曰燕京尙沿舊說之誤

劉寶楠文安隄工錄六卷

存 鈔本

寶楠事蹟見官吏傳文安地故窪下隄堰久不修遇伏秋水旁盜爲居民害寶楠視履隄防詢知疾苦令甲凡隄工旗丁及民均資修理寶楠如令施行而旗丁怙勢不出仗助相爲觀望寶楠執法不阿工賴以濟此錄紀當時工程條理融貫後治水者可以爲法

高駟雲可也簡廬筆記一卷

存 咸豐四年刊本

駟雲見職官表咸豐四年卒保定因縣志失脩已久爰錄水利

隄防繪圖立說如營田攷浚十望河議均剴切敷陳留心民瘼不作無益空談爲民有司宜以爲法可也簡廬保定治事西堂之額因以名書

房山志料一卷

存 養恬齋刊本

房山西山阻塞蹊徑四通縣志略具規模未能詳悉驥雲以咸豐七年宰房山據所目見繪嶺西山後各圖山川之脈絡里居之遠近條分縷析兼有考訂最爲有用之書至三角城關上目爲劉仁恭遺跡猶爲近是惟以仁恭所置山後八軍卽指房山之山後實之未免失考五代時幽薊諸州爲山前雲蔚諸州爲山後仁恭所置之地八軍當在懷來宣化地界不惟防晉亦控契丹若盧文進所統更爲今山西朔平府境相距更遠

陳崇砥固安志八卷

存 咸豐九年刊本

崇砥見職官表咸豐四年署固安事延福建舉人陳福嘉續修縣志分門八目九十有二川瀆一門載永定河遷徙流塞甚爲詳明志中例之最善者至如文廟祭器禮樂文章非一邑所得私茲仿平山縣志載入殊爲不善取法藝文志內列楹帖一目已屬纖瑣又崇砥四詩亦附入志更屬無謂

王爾琨增修房山志略一冊

存 鈔本

爾琨見職官表同治十一年爾琨知房山延李思德續修志事距康熙志已二百年文獻無徵案卷散佚職官僅記道光以來選舉亦未完備各門編次無法併無卷數名爲增修實采訪冊

而已

周乃大同治霸州志八卷

存鈔本

乃大見職官表同治十一年知州事重修州志成書八卷分五門曰輿地曰官政曰駐防曰人物曰藝文子目四十有七時去朱志之修已二百年歲月既久湮沒甚多文獻莫徵傳聞皆軼雖苦心蒐羅不無缺略之憾

李秉鈞吳欽永清續志十四卷

存光緒元年刊本

秉鈞欽均見職官表秉鈞於同治十二年蒞任延浙江舉人魏邦翰續修邑志未成而解任欽繼其事復與邦翰共成斯編門類一準周志惟去士族一表增封贈感襲二表流寓一傳風土

志雜志數目惟流寓載王士禎究屬牽強風土志雜志是尋常志所應有而非實齊志之體例其卷末續志臆言專論周志或褒或貶均無空論亦周志之諍友也宋元舊志如張湜之續會稽梅應發劉錫同之續四明拾遺補缺各自爲篇至明以來修志者類取前志散入已作增益刪補無跡可尋是以新志行而舊志遂廢是編名曰續志列於前志之後體例最善秉筆者之虛衷亦可見矣

續文徵二卷

存 附志後

體例一準章氏前編

吳履福涿州續志

存 同治十一年刊本

無卷數每類均依吳志之舊附刊卷後惟人物類於名臣之外增仕蹟一門然案其實均可以名臣賅之亦分所不當分者新志不廢舊志體例最善然自可單行散入各卷究嫌率混

陳景伊續修平谷志一冊

存鈔本

景伊平谷歲貢生平谷志自乾隆四十二年迄今未修景伊有志補輯災祥一門最爲詳備雖不諳志例編纂未能盡善而順天人士留心邑乘已爲僅見

高建勳通州志十卷

存光緒五年刊本

建勳見職官表光緒四年續修州志延天津王維珍主修分十門曰封域曰建置曰漕運曰賦役曰學校曰官師曰選舉曰人

物曰風土曰藝文子目八十七半因舊志略爲增損如人物傳
陽球高閻舊志誤收亟宜駁正乃知其誤而仍存之似可不必
矣

丁符九重修甯河志十六卷

存 光緒六年刊本

符九見職官表光緒三年任甯河延江西王國振寶坻馬聯芳
邑人談松林續修志事門目一仍闕志之舊每類間有增入並
無糾正

朱其詔永定河續志十六卷

存 光緒六年刊本

其詔見職官表光緒五年署永定河道攷永定河志成於嘉慶
二十年迄今六十餘載尙未續輯河流形勢旣屢有變遷疏築

機宜卽互有同異因籌款設局派員續輯刪繁就簡至光緒六年八月止又得十六卷

諭旨仍恭錄簡端其繪圖工程經費建置職官奏議附錄七門均沿舊例惟舊志之圖源委雖詳道里未覈且與今時形勢小異茲復測量廣袤並略仿李申耆先生一統輿圖法按分計里縱橫分繪以便觀覽石景山以上未及詳者以非防汛所及也兵制舊志載在經費門兵餉條下今另列爲一門集考舊志詳盡故不贅河圖爲南海招錫恩用測量法繪並跋云圖中凸爲御碑凹爲神廟□爲衙署□爲汛房□爲鋪房□爲石橋□爲郵莊用工部尺丈量縮爲四萬五十分之一卽一分當四十五丈四分當一里圖中祇畫兩岸隄工及下口郵莊而埽壩河流不與者因其河流無定時有更移故空其中以備隨時填畫

凡每次漲水各汛案水從何工何號而來向某工某號而去或平而險或險而平傍隄順流或走中洪以色筆按號填畫下口所屬委諸武弁彙歸工所總集成圖傍註年月日此卽當時河勢情形也隄外十里郵莊得附載而目所未見無從位置是多忽略覽者諒之云

陳順良鄉縣志八卷

存鈔本

媚見職官表光緒六年署任七年與邑人訓導郝錫疇拔貢薛蔭績修分八卷門目仍依前志

蔡壽臻武清志十卷

存鈔本

壽臻見職官表光緒辛巳延仁和舉人錢錫采重修志自乾隆

壬戌至今已一百四十餘年咸豐庚申夷人授境案卷散失事

蹟湮沒甚多此志取法陸隴其靈壽志錫宋志議志既云靈壽一

獻公所手定地又畿輔近縣是宜法其體例謹嚴繁簡中度無

論矣如入景之宜剛也勳封職官之宜分也文廟儒賢位次器

數禮文詳在會典之毋庸紀也風雲月露之詞無闕地方利病

者之俱不載也洵歷久不易之則是編一於是乎取法不妄立

體例惟地理志山川一門武清有川無山而水利特重易以河

渠紀事方音兩門慮訪詢易說不足傳後毋甯闕焉廟宇無闕

祀典者因市集所在間亦載入人物志名宦一門歷攷舊志及

近時採訪恆難其選姑闕之以俟來者隱逸非盛世所宜亦

刪去武清地當孔道故增郵傳於建置中宸章巡幸冠壽

於篇首明考古尊王之義焉其小異於陸志者僅此數事冠壽

臻答志議異尤善之善者也首列論旨因地異事於同中見
舊志之舊其恭錄列聖諭旨如停園佔築城垣減地丁儲集
穀賑荒歉立義學仰見朝廷深仁厚澤視民如傷之隱惟非
一邑所敢私固宜備載通志矣仍應援靈壽文廟禮樂之例其
改何建開確在邑境者必宜補列此應議者一也六景旣刪而
縣境全圖邱莊不及十分之一擬前列開方總圖不必限於篇
幅縣境盈東南而縮西北擬四維列四分圖如醴醴酒瀾東河
渠舊無圖必須永定河鳳柯北運河筐兒港減柯各給一圖此
應議者二也田賦舊志遵乾隆二年賦役全書現擬道光緒二

年賦役全書以現行常例大字中書而分注條列舊志於後俾
 觀者展卷瞭然此應議者三也里社分合今昔不同名亦不
 於土人之口擬今之十三領列為子目附近各邨麗之並註
 距城里數此應議者四也河渠舊志大略攷之永定全志亦
 不合擬周諮博訪因端竟委臆陳其與廢割晰其利害力不
 者留侯後賢此應議者五也舊志河員列於河渠門後將弁
 列武備而營制兵數均未詳殊形挂漏攷北運河有河西務
 知主簿楊邨通判縣丞永定河有三角淀通判北岸頭工上
 中汛南岸入工上下汛雖無武邑地面之責俸工均由留支
 下支而巡緝有協防之責亦應併入職官而以應轄各款
 通末此應議者六也職官一門應列為表名宦之雍奴侯宜
 卷封固矣王伽以下既列職官而無鄉賢尤屬不解擬將名
 勳列名宦一門舊志有名宦而無鄉賢尤屬不解擬將名
 賢奉有諭旨允准者列入祠祀由紳耆採訪明確開單送局
 毋遺毋溢此應議者七也選舉門之貢士既列爵里注明某科
 舉人卽不復見舉人條內例監應剛貢生揀階應如何酌列亦
 須先定義例流寓應剛仙釋尤為不經人物斷自邑國朝子
 悉仿靈壽之例此應議者八也章奏條議之出自邑人言閣
 濟者應入於文如總督朱星使王國地兩疏必早列通志亦
 割愛邑志統於縣令無上疏言事之責似可刪章奏一門
 文碑記各碑舊志均無建立年月存者宜訂補入逸者宜附
 文闕疑詩之無闕民生利弊者悉從剛節此應議者九也邑志
 創於明萬曆年知縣陶公允光與邑紳許公燮梁公津而梁公

名不見於人物一修於國朝康熙癸丑五年知縣鄧公欽與
教諭李公衷籍邑紳李公耿公李公為煒之父可貞而耿公莫
詳其名職官鄧公條下亦不載修志事再修於康熙辛巳年知
縣章公台印與邑紳李公焯輯成之王公元瑞以賦役驛傳未
載復與焯弟焯田公士章續之而王公之名僅列於例監擬囑
採訪諸君於藏書家購覓三志原刊本送局以資參訂此應議
也十均非無見惟答議以奏議文詩入藝文仍不免近志之習
且誤削舊志往往而有如吳志載隋雍奴令王伽是也乃以雍
奴為雍而削之此其尤誤者

丁符九密雲志六卷

存鈔本

密雲自康熙五十七年後志乘失修已久同治十年蓬萊黃宗
敬知縣事延番禺張庶常鼎華續修成輿地諸圖邑人張仲基
臨洲涉嶽不憚往復歸而手摹口授典史李振樞因而圖之鼎
華據今證古實事求是至為詳贍光緒二年永甯趙文粹復延

會稽孫孝廉德祖排比鱗次爲三十卷子目咸備采訪尙稽六年復延安岳周大令林成之爲三紀二圖圖說四有說無圖者六表三考三政略一詩文一卷六子卷三十有一體例謹嚴考證淹雅順天近志以此志及永清志爲最林自序云今之方志條例其弊蓋有四焉取法於元明一統志濫觴於太平寰宇記方輿勝覽以人物諸目與山川故蹟相次是地理尚書略具類纂之意其流連景物附會名勝者又不足言矣其失也陋列傳之有題目事重於人如史漢儒林循吏初不爲龔黃諸人設也人類不同奚翅倍蓰今乃必欲強爲分析官曰慈祥豈弟士曰孝友端方學皆鴻儒縱有般輪技略斥爲小道而不書女皆貞婦雖有成姑德邁以其偕老則不列去取之故輒不可得至於職官詳臚事實選舉並著躬行而名宦人物僅占虛篇猶其小

焉者爾其失也拘是非褒貶其事既明其行自見經生家動陳大義墨守義法作爲文章其事不合便自冀艾以是爲能擅筆削之權寓春秋之意或者義取簡繁至欲昉武功縣志而稱謂直書古人官名地名致使今古莫別方自以爲博雅其失也妄藝文之名劉略班志臚列書目後世書目解題諸書所自昉也近代分裂篇章狀志碑銘錄其原文複增子注此云詳見名宦儒林彼云載在藝文某篇而詩詞歌謠濫採兼收至爲取媚當時之捷徑其失也濫所言甚中近時修志之習

宋文昌平州志八卷

存鈔本

光緒辛巳知州宋文述人劉御史治平續修成十二卷自康熙十二年後至今未修缺失頗甚而闕隘詳載里數藝文止列目

錄皆體例之善者

華陽吳祖椿校